



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm VII. Conquerente.

[urn:nbn:de:hbz:466:1-62587](#)

jicitur excommunicatio, tunc suspenditur possessorum donec Actor absolutus sit, iuxta gl. in c. 3. verb. *Aliud. De procurat.* Vel objicitur aliud crimen, & tunc vel est tale quod reddat inhabilem ad possidendum, ita ut si agenti possessorio recuperandi beneficij, objicitur, quod sit Christianus factus seu non baptizatus, aut Clericus factus, seu non tonsuratus, tunc ante restitutionem cognosci debet de qualitate clericali quae est fundamentum possidendi beneficium; vel est tale crimen quod non incapacem possessionis reddit, sed priuat proprietate ac titulo, tunc vel ipso facto eoque notorio priuationem aut tituli invalidationem continet, tali casu in materia beneficiali obstat exceptio, quae dicitur notoriis defectus proprietatis, ut si aliquis dicatur notoriè intrusus, aut per propriam Simoniam promotus, idemque sentiendum est, si talis exceptio statim probari queat, secundum *Panorm. h. n. 11.*

3 vel denique est crimen, ob quod aliquis à judice priuari possit beneficio acquisito. v. g. homicidium, adulterium, & hoc casu exceptio criminis non impedit restitutionem spoliati, quamvis judex ex officio antequam hominem restituat, si crimen eius notorium sit, priuationem inferre possit, ne frustra ei restituat beneficium mox iterum auferendum.

4 Quæritur 2. Quale interdictum adversus eum competit, qui clam possessionem ingressus est; Resp. Cum gl. verb. *Clam.* Si Titius te absente nulloque alio relieto, qui nomine tuo possideat, ædes tuas occupauit, tûque reversus cum possessionem corporalem recipere velles, repulsus fueris, competit tibi interdictum *Vnde vi. l. Clam. 6. §. Qui ad nund. iunct. l. seq. ff. De acquir. possess.* Quod si ob metum seu terrorem Titij accedere ausus non es ad recuperandas ædes ex eo quoq; tempore ciuilem possessionem amississe, ac veluti spoliatus censeris, ut etiam tunc possessorum judicium recuperandæ tibi competit, ut colligitur ex cit. l. & docet *Panorm. h. n. 4.* Sin denique reversus auderes quidem possessorum clandestinum repellere, sicuti & jure posses, malis tamen

id fieri judicis autoritate, tum competit tibi interdictum *vii possidetis*, quia retines adhuc ciuilem possessionem, quæ tamen hoc ipso turbatur, quod alter detinet corporalem, ut gl. *notantur cit. §. Qui ad nund. verb. Non clam.* Matthæus Welenbeccius de *Act. & interdict. c. 12. n. 11.* veruntamen actio huius interdicti habebit effectum restitutorum, cum turbatio hoc casu cessare nequeat, nisi restitutâ possessione corporali. Est & aliud interdictum, de quo agitur tit. Digestorum, *quod via ut clam, & competit si in solo alieno, aut cuius possesso ad alterum spectat, quidpiam ædificatum sit, tunc si denuntiatum seu inhibitum fuerit ædificatori, & nihilominus perrexerit, vi ædificasse censetur;* si autem ædificans celando adversarium operatus fuit, quia timuit controversiam sibi motum iri, tum clam fecisse censetur, l. 3. §. *clam. ff. eodem.* Atque utroque casu competit actio, ut ædificatum destruatur, & sumptus ac damna refundantur. *l. 1. ff. Quod vi & clam. l. Semper. 15. ff. codem.* sed nec exceptio juris competentis opponi potest, quo minus restitutio seu demolitio fieri debeat. *cit. l. 1. §. Denique, exceptis casibus expressis, in cit. l. 3 ff. codem.*

Nota II. Causa possessorij judicii dici potest principalis, non in ordine ad judicium petitorum, quippe quod principalius est possessorio, sed in ordine ad alias incidentes questiones aut exceptions: sic v. g. si monasterium agat interdicto *ut possidetis*, conquerens apud judicem, quod à vicino Comite aut Prælato impediatur in jure decimandi, pascendi, inventandi, qui etiam aliquos officiales Monasterij cepit & incarcerarit, tum mittetur ei mandatum sine clausula de Relaxandis captis, & citabitur ad certum diem, ut fidem faciat de partitione seu facta relaxatione, atque insuper, ut respondeat super causa principali in possessorio judicio.

C A P I T U L U M VII.

Conquerente.

PARAPHRASIS.
Intellexerat Alexander III. quod Archiepiscopus

scopus Cantuariensis Robertum Clericum, non seruato Juris ordine parochiâ spoliârit, id Papa reprehendendum esse ait, nisi causa manifesta & rationabilis permittat, quare mandat illi, si narrata vera sint, ut dicto Roberto parochiam unâ cum fructibus perceptis restituat, cùmque pacificè possidere permittat, facta autem restitutione si quid disceptationis super parochia contra Robertum habeat, coram Episcopo Exonensi sedis Apostolicæ Delegato, per se vel per idoneum procuratorem ordine judicario experiri poterit.

S V M M A R I V M .

1. *Contra judicem extrajudicialiter iniustè spoliantem non minus agi potest interdicto recuperanda, quam contra aliam priuatam personam.*
2. *Nisi causa auferendi manifestè notoria sit, aut concessum sit ipsi ex officio agere absque juris ordine.*
3. *Eadem actio conceditur spoliato contra judicem, qui in judicio spolianuit, competens tamen judex non est, vel saltem vitium substantiale commisit, non seruando juris ordinem. Secus si competens judex sit, aut accidentalem tantum errorem commisit, ordinem juris immutando.*
4. *Pro judice tamen competente semper est præsumptio, quod justè processerit.*

Nota, Contra judicem iniustè spoliantem competit interdictum recuperandæ, ita ut ante omnia restituendus sit spoliatus. Ita *Ioan. Andr. hic in princip. Imola n.s.* sed pro maiori intellectu ita distingue: *Vel judex extrajudicialiter seu nullo juris ordine seruato auffert beneficium Clerico, tunc censetur veluti priuata persona, ut proinde agi possit interdicto recuperandæ, ut hic apparet. Excipe 1. Nisi causa auferendi beneficium notoriè manifesta sit, quia in notoriis juris ordo non requiritur, sed quia hoc casu præsumptio est contra judicem, idè iphi probatio incumbit, causam auferendi esse notoriam. Excipe 2. Si judici*

concessum sit quidpià ex officio agere absque juris Ordine, v.g. ob necessitatem, ut impediatur scandalum vel peccatum, sicut hîc monet *Panorm. n. 15. Mascard. Concl. 1314. n. 14.* Vel judex in judicio spoliat si sententia latæ; tunc vel est competens vel incompetens, seu jurisdictione actualiter non præditus. hoc posteriori casu perinde est, ac si extrajudicialiter, & ut priuatus spoliaret, uti docuimus in c. *Cum Causa. 22. de offic. delegat.* v.g. si judex laicus contra Clericum sententiam ferat, aut contra laicum in causa Ecclesiastica. In priori autem casu si judex judicialiter processit, sed ordinem juris non seruauit, tunc distingue, num vi- tium substantiale sit, ex quo sententia ipso jure nulla redditur, conseqüenter eius execu- catio spoliatio censetur, ut si in judicio ordi- nario lite non contestata sententia defini- tiua dicta sit, vel si sententia intolerabilem errorem, adeoque manifestam iniustitiam contineat, ut si lata sit contra legem apertam usûque receptam, vel si contineat expressio- nem causæ notoriè falsæ, in qua vel adæqua- tè vel principaliter sententia fundata sit, uti docet Sancius de nullitate ex defectu pro- cessus. *n. 128.* An verò defectus tantum sit mutatio Ordinis accidentalis, ut si petitorium judicium tractetur ante possessorium: hoc casu sententia valet & executioni man- dabitur, nisi appellatum sit, idemque est, si sententia lata sit contra jus dubium aut in- tricatum, uti Sancius docet *n. 124. & n. 16.* ubi aptè distinguit inter ordinem judicii qui est de substantia, & cuius omissione ipso jure vitiat processum, & inter ordinem qui est de justitia, cuius omissione processum non facit irritum, sed ope appellationis aut suppli- cationis rescindendum.

Id solùm adde, pro Judice judicialiter procedente aut sententiam exequente, si ju- risdictione præditus sit, semper esse præsum- ptionem, quod justè processerit, conseqüen- ter qui contra eum tanquam spoliato- rem agere vult, probationes ede- re tenetur.

* *
x 3

Cap.